

蟻

術

詩

選

蟻術詩選卷之四

元雲間邵復德著

明新都汪 稷校

七言古風

昭君出塞圖

漢代明妃余所恥遺跡猶存畫圖裏當時祇恨失蛾眉  
千古相傳關國體佳人命薄何足論大國禮重當自尊  
堂堂卯金亦左計孰謂夷虜能懷恩古今多少明妃曲  
萬語千言題不足獨餘哀怨在琵琶近日音聲轉煩促  
君不聞樊陽霍粟鷄與嫫媧同英略奇謀竦廊廟精兵十  
萬可橫行於滅強梁在談笑吁嗟此志何因循漢廷遂

有句如塵

松居圖歌爲會稽陳元茂賦

暨陽山人讀書處隱約蓬萊山下住天荒地老百年餘  
留得承平歲寒樹樹根古屋弗計年樛樛爲棟薪爲椽  
蒼龍摩霄雲沃若天籟滿坐風冷然山人住又忘清苦  
澗朴襟懷侔上古夜然明節作書燈晝煮茯苓登宴俎  
海桑遷變孰可稽直欲掉首從夷齊提封一夕遍鄉井  
高舉更覓青雲梯我欲尋真換凡骨屢訪名山猶未得  
山人若許穿雲羅輒向畫圖求髣髴

畫梅行會稽王元章惠以墨梅且題其上依

題酬之

道人畫梅墨色爛頰刻畫成還自歎不教么鳳識貞心  
故遣苔花封老榦空江歲晏冰雪寒江上月明人倚闌  
隔江美人相見難誰其致之白雲間美人爲我話疇昔  
感此孤高濕荆棘春風一夜到寒窗坐使化工長太息  
嗟予清絕忘世緣得此似挹羅浮仙歲寒相對浚崖巔  
夢中梨雲豈其然

玩古行武川唐允文蓄古圖書碑刻金玉彝  
鼎及諸器物一室中名之曰玩古齋

吁嗟世道又不古元氣寥寥僅如縷諸生日夕事簡編  
猶欲冥心究鄒魯三墳五典素不完雲門咸池寡無語  
崑崗之火幾燎天六貝天球貌何許古人代謝如逝波

古道凋喪猶傾柯區區菴物有成毀歲月既邁存無何  
唐生游心及千載所見輒辨正與訛掃除一室玩往昔  
迴與先哲相漸摩木落江空天地老江上相逢慚潦倒  
世降俗薄殊紛綸乃是設心求古道我亦齋居養時晦  
賴爾能來慰枯槁從茲可見羲黃心歲晏相看期保抱

桃源圖歌

陶公昔作桃源記謂有桃源在人世不因漁子逐桃花  
那得世間知此地重尋舊路迷其蹤天闕絕境無由通  
偶因天台劉阮事乃謂此有神仙宮二事流傳本殊絕  
後世相沿罔分別昌黎先生一品題疑誤爲君談笑決  
誰將豪素畫作圖高唐想像終模糊陵遷谷變屢反掌

此中按堵猶唐虞民物于今同土苴有力難尋種桃者  
白髮吳儂淚盈把安得桃源遍天下

荅唐元度惠草堂詩陽羨茶

君不聞浣花老翁隔春水長日清吟泣神鬼不求錄事  
草堂貲祇送先生太倉米又不聞玉川破屋洛城裏門  
外日高猶未起忽傳諫議送月團便欲蓬萊作仙子二  
公高興出天機千古清風韻人齒文章舉世尚茶歌名  
教相宗賴詩史青谿野人書屋底歲晚山空念知己梅  
花獨伴客羶寒閉戶窮年窺故紙晉昌才子好事者每  
與論文心輒喜襟懷蕭散涵江湖學問春容有源委昨  
朝過我荒寒濱清冠曠然兼二美我聞建安兵火餘紙

價倍古書液燬又聞北苑道路艱青筋瑛題阻千里豈  
期物色融心神不啻瓊瑰溢筐篚呼童洗鼎烹石泉展  
卷高歌登宮徵枯腸漱滌生陽春老眼光明羅牕几我  
生追羨少陵翁千載神交得其旨從來亦有嗜茶癖知  
味陸郎差可擬邇年潦倒絕賞音一旦爲君重屈指山  
中白雲不可持何以殷勤報投李相期月夜來叩門淪  
茗談詩洗心耳

旅秋行次韻荅錢南金所寄知近寓秀水僧

寺

紅葉風高墮寒雨商聲起自蕪葭渚三江逝水愔忘歸  
獨客羈心亂如縷此時客在江之湄日暮途遠迷東西

鷗波萬頃清景絕鴈門十月愁雲低得子素書如夢裏  
知與山僧相汝爾東林結社或種蓮南鄣養生終隱几  
憶昔與子同居時花前美酒燈前詩清風明月見多度  
流水高山得子期只今與子成二老脩名不立欣聞道  
歲月無情左計多江湖滿地知心少十年共坐風塵中  
夙昔玄鬢成飛蓬慣看青白有俗眼已悟得失如塞翁  
歲晚終歸釣遊處與子誅茆黃葉路時從編簡對古人  
日涉田園自成趣人生百歲何時閒我輩久在浮沉間  
吁嗟長安日已遠莫負江南烟雨山

題許守中太和丹室

至人水火鏡空鼎鼎中之物亡形影涵融造化發春溫



感兆乾坤歸內景後來學者傳失真幾人能識天地根  
強將旁門作大道甲是乙非徒糾紛山人何處得其秘  
烹煮砂鉛作良劑坐收元氣入刀圭起瘵沉疴等兒戲  
歸來燕處一室中神光不夜春融融可濟下土混昏濁  
豈若違世起鴻濛九還七返竊莫測欲往從之限溟渤  
安得凌風振玄翮稽首安期間五石乞與寒瓊換凡骨

四皓圖歌

長春道士身姓許博雅好奇心獨苦手持六尺商山圖  
要我賦時原上古展圖宛見四老人秦漢既遠誰識真  
當年事跡稍茫昧舉世傳說徒紛紜我聞前王建邦國  
樹子由來戒無易卯金欲貽四海憂於此忍能忘羽翼

此行實爲蒼生計世變相仍豈天意大經一正四百年  
孰謂斯人終避世山中紫芝今有無草木蒼莽埋丘墟  
驚濤虐雪昏天衢祖龍餘孽何由蘇曷若繼爾爲遠圖

澹滄漁叟引爲携李蕭養素賦

澹滄溪與駕湖接中有漁舟小如葉漁郎把釣溪之濱  
日夕歌呼弄煙月滄溟空濶風常寒紅塵辟易天爲寬  
襟期不啻在楚澤出處似欲凌巖灘一夜嚴飈吹虐雪  
千山鳥斲人蹤滅忽然漂泊箕穎間洗耳長流更清絕  
人生百年俱有涯榮辱不到漁樵家天吳海若惡作劇  
信緣齊汨終無譁江南處處青山在江上故人毛髮改  
尚餘鷗鳥識孤舟不信相看換桑海武陵只在天地間

可惜至士戈空還掩花舊路若邂逅謝絕世故無厚顏

張氏三味軒歌

古來賢達當衰世往往全身遠名利與牛骨肉紛相殘  
東曹掉首成歸計秋風一夕吹三吳吳中正美尊與菰  
四腮入饌復雋永千里命駕忘馳驅一時託興無遺恨  
百世流芳有清論微物因人乃得名至今三美餘風韻  
東曹一去今千年後昆散處猶多賢時持三物弔遺跡  
清風峻節還依然九月秋深天宇肅三高祠前風落木  
漚酒高歌送迎曲吳淞水碧吳山綠

穀江行三衢之江山常山二水自須溪金川

合流交錯如穀故名穀江潁上文學掾徐

景顏居於其間自號穀江漁隱云

吾聞西安之水如羅紋江山形勝相吐吞二川合流勢  
不分清湫迴迴風雲奔中有幽人居喬木暎衡門高世  
偃蹇甘隱淪先秦文字不啻數千卷日夕莊誦若對羲  
黃人興來出門放孤艇一竿坐釣清粼粼落落渭濱叟  
榮名滿乾坤籍籍煙波徒高節摩峨岷清風灑灑絕俗  
塵千載而下氣益振神交夢接意所親古今成敗在指  
掌一室燕坐窮無垠十年戎馬中原昏城郭抵達乃爾  
成紛紜坑顏爲師我輩事忍使此道尼不伸慷慨投袂  
起歛見俎豆陳况茲潁水涵禮義夙所尊歐蘇之跡遠  
未泯至今父老遺風存君今生意滿藻芹木天米廩手

可捫其丘其水荒荆榛猿驚鶴怨誰與鄰君不見鹿門  
谷口雞犬村野入笑語春風溫年年碧草哀王孫

灤東畊歌爲烏溪黃成章賦近在潁庠分教

天寶乾元亂離日東川西川氣蕭瑟中原旋復九重城  
灤水猶存萬家室杜陵野老悲無家白頭漂泊錦水涯  
入幕何堪故人死爲農復歎京國賒此翁高節無復得  
後輩猶懷踵遺跡蜀山萬里何茫茫詩史千年長歷歷  
我有丘壑如灤東春畊秋斂誰復同浣花草堂在眼中  
日夕想見前賢風十年出處學彌勵放逐居然增意氣  
從容時發舞雩詠淒涼亦灑新亭淚人生百年安可常  
行役孰不懷其鄉一朝杖屨賦歸去故園草木生光芒

蟻術詩選卷之五

元雲間邵復孺著

明新都汪稷校

七言排律

汪太守壽席同諸老分韻得蘭字

九仙山下梅開早，生意齋前竹耐寒。  
插架書多呈琬琰，寫經牕靜長琅玕。  
晝閑風滿談玄麈，春暖庭生結佩蘭。  
老子胡牀饒逸興，郎君絲戲有餘歡。  
對棋不勸仙柯爛，醉草從教墨沼乾。  
門外塵氛俱辟易，壺中歲月儘盤桓。  
已聞北闕徵黃霸，未許東山老謝安。  
南極景星明永夜，鶴書社下五雲端。

寄孤山和靖祠堂葉掌祠

聞道高居絕世塵，湖光十里碧粼粼。  
向來東閣梅花好，近日西山爽氣新。  
學士港春窮，窳先生冢石嶙峋。  
共欣當代文風盛，不使咸平跡湮結。  
呈數楹鋪俎豆，種花千樹闢荆榛。  
明時汗簡書高節，吉日生芻屈措紳。  
綠髮掌祠談笑逸，畫船載客往來頻。  
新亭風景應回首，故國江山亦愴神。  
蠟屐一雙吟踏雪，銅錢三百醉行春。  
家童放鶴青冥上，道士籠鷺綠水濱。  
清宴有時呼錦瑟，高歌長是岸烏巾。  
江城握手窮冬迫，客舍論心古意真。  
一自北風吹去布，幾番南浦候離人。  
喜從歸雁曾傳信，笑指盟鷗欲問津。  
谷口犁鉏仍汨沒，山陰觴咏屢因循。

生涯自信溝中斷，意氣深期席上珍。安得鳴鞭追騷裏，尚能肆筆對麒麟。昏昏疎影應無恙，白雪陽春莫效顰。絳帳談經終有約，青藜照坐定相親。西泠渡口重維櫂，第二橋東擬卜鄰。

曹安雅翁新營灑東莊

小隱清溪多歲月，舊家喬木老風烟。雲寒高卧崑山屋，雨暖深畊灑水田。洛社衣冠無俗習，善和書籍有人傳。飄蕭華髮三千丈，寄傲清時六十年。著述自堪當野史，歸休曾不念塵緣。春生栗里雙吟屐，秋入吳淞一釣船。茶盃逼仙揮塵外，酒瓢留客剪燈前。久諧時論同堅白，自許口情合太玄。白蟬一霎光炯炯，朱紉三歎舞蹁蹁。



連深玉樹絲枝長籬遠黃花晚節妍氣味本同瓜圃  
歲寒猶比竹林賢想應出處人同世好在鴻濛太極先

蟻術詩選卷之五

蟻術詩選卷之六

元雲間邵復孺著

明新都汪稷校

七言八句

冬桃

重到玄都異昔時  
紅香冷落怯瓊肌  
天寒人面誰相映  
歲晚漁舟或可期  
三月禹門風浪惡  
小春仙洞雪霜遲  
淒涼不似天台路  
萬一劉郎有所思

苦梅

空濛烟霧滿羅浮  
紺碧生香夢未休  
綠髮疲寒遺玉瑱  
羽衣素暖怯蒼裘  
小瀛橫幅丹青落  
古殿殘棋翠黛愁

骨化寒癭心似鐵至今么鳳妬風流

出遊別溪上親友

筆牀茶竈未荒涼籬下黃花尚晚香  
紀夢每疑蕉有鹿讀書却笑穀亡羊  
葵荒杜曲經秋雨柳老江潭帶夕陽  
明日扁舟隔煙水風流詩酒未能忘

次韻王彥強客懷

秋風城郭起層陰遼鶴歸來歲月深  
鏡裏光華催綠鬢牀頭顏色歎黃金  
班生有志終投筆鍾子無言久廢琴  
白石溪頭問鷗鷺不堪塵事日侵尋

江城暮春書事

三月凝雲連白晝滿城宿雨漲黃沙  
歲華不改綿蠻鳥

春事俱成頃刻花每厭巡牕飛野馬絕憐沉竈產官蠶  
庭槐自是南柯夢觸悟愁人起歎嗟

次韻安雅翁亭屏榮悴松圖

從來故國多喬木此地春風及暮陰榮悴忽看屏上樹  
扶疎却憶澗西林某丘易動頻年感今雨不來何處尋  
歲晚山空重回首題詩不覺小論心

予故家在嚴陵澗村之西

寄錢素菴鍊師師雲間南城大族

南城曾看五陵花東郭新營處士家每向郢人傳白雲  
未從葛令問丹砂華亭夜聽橫江鶴銀漢秋期泛渚涯  
忽見梅花吹相憶夜來清夢遶蕙葭

用曹雲西公韻簡瑞閑雲開士

清谿蘭若十里外謝絕塵緣定卜居風靜花飛巖上衲  
雨浥苔汗鮮間書酥燈夜話維摩室蠟屐春尋處士廬  
白髮江湖多歲月叢林禮法未能疎

寄錢南金孝廉

與子間濶始十日離別未遠相思深風燈耿耿美人夢  
江離漠漠遊子心綠柳向人春灑淚碧雲隔水暮生陰  
西園花事已寂寞莫爲愁絕廢新吟

奉寄熏自聞上人併謝槐葉冷淘之欸

已公屋下涼無暑翁仲門前水拍天槐葉冷淘時供客  
蓮華刻漏夜參禪獨居不廢叢林禮狗俗仍明出世緣  
自有門徒能養道無因重問讓西田

挽會稽呂勉夫先生咸平宰相申國公九世

孫也

家聲奕世畫凌烟曾傍城南尺五天白髮襄陽耆舊傳  
黃花栗里義熙年中夜雨燒丹火門外春風載酒船  
何日蘭亭訪陳迹摩挲遺碣拜先賢

次韻曹雲西翁雨牕述懷

時故里大水

積雨空齋晝欲眠莫雲親舍水茫然春餘故國烏衣夢  
秋惱中郎綠髮年漢柳蕭蕭吹笛裏巴山歷歷剪燈前  
正愁松籟荒三逕失喜新詩寂寞邊

題徐中孚高士代祀武當桃源中朝諸公詩

卷

羽衣使者持金節，今得天香下玉墀。  
四海山川歸望秩，九重雨露及虛危。  
桃花洞暖瓊田在，華蓋峰高鐵鎖垂。  
紫府仙官來校籍，想應曾采玉堂詩。

孤山新建和靖先生祠

曾讀咸平處士碑，水沉亭北黍離離。  
南枝不似當年樹，今月曾看此夜詩。  
歲久蒼麟眠古墓，天寒白鶴認新祠。  
斷橋流水聲嗚咽，獸對清香酌一卮。

暮春次南金韻

茸茸野艸帶煙藍，漠漠溪花隔霧酣。  
邨店人稀鶯囀午，官河風暖柳眠三。  
小童荷鋤朝朝筍，幼嬾條桑處處蠶。  
錦里詩人最蕭散，短筇時過小橋南。

題錢素菴鍊師封雲室

陸地仙家雲氣深  
達人棲息共無心  
山中虛室夜生白  
戶外長松晝落陰  
瑤草滿階童不埽  
洞天無鎖鶴來尋  
華山高處春長好  
不管桑田變古今

又可月亭

結屋天壇爽氣多  
廣寒仙樹影婆娑  
神游太極黃庭景  
興遶虛空碧落歌  
竊藥姮娥秋有約  
吹笙王子夜相過  
道人燕坐光明裏  
春滿華池白玉波

謝王伯靜惠葛巾

爲嫌山鳥怪儒巾  
故使青綸矯俗塵  
章甫未能酬壯志  
遠游日復蓮時倫  
對酒青山暮閉戶  
煎茶白屋春



三月苕衣相掩映舞臺定約詠歸人

朱永嘉裴日章進士

鹿鳴詩寡知名久鴈蕩山中識面難若士妙年先入幕  
有才如此盍彈冠矣方荔子書能致水國鱸魚興莫闌  
我在谷陽城外住日長掃逕待唵鞍

次南金見寄韻

欲采江蘼遺所思靡蕪滿地綠離離青春不送五窮鬼  
造化猶如一小兒落日中原鸚鵡賦東風南浦鷓鴣詞  
杜門一向生塵俗不覺今朝又有詩

寒食雨中

芳草離離遍五茸雲間舊爲五茸城天涯收拾暮愁濃西郊風

雨一百之南國江山千萬重  
眼底春光長拍塞  
鬢邊秋色肯從容  
闌干此際偏腸斷  
零落梨花晚寺鐘

奉王眉叟真人二首

兩袖天香近六龍  
幾陪宸馭到蟾宮  
鑑湖一曲承恩後  
瀛海三神入望中  
新種梅花期處士  
又留丹井付仙翁  
漢家正重神仙事  
已築崇臺倚碧空

曾望清風過十洲  
寥陽宮殿五雲浮  
仙人金掌涼如水  
老子胡牀月滿樓  
談咲屢陪千日酒  
過從時借九花虬  
幾回目送飛鴻去  
憶共山中宰相遊

間唐復齋徵士

五茸春水碧生烟  
歷歷平林隔武川  
狂客問奇長載酒

仙人膏藥不論錢橋門棋子尋真樂竹下苔痕醒醉眠  
錦里錢郎未往熟相逢毋惜寄新篇

簡吳太然高士

玉皇香案久辭官小隱雲林帶鵬冠滄海三山求砭石  
黃房五夜轉還丹自緣瓜圃生涯拙頗覺桃溪去路難  
我亦山陰寫經手幾時換得白鷺看

簡楷則中書記

上人家在武塘南一曲林泉護石龕滿室天花紅陣陣  
遶池春草碧毵毵臯比教雨宗湖學麈尾清風雜晉談  
聞說吾儒黃棘度詩禪日日與同參

簡黃魯德秀才

洛下衣冠遠莫追城南韋杜本同時江山風景知何似  
湖海襟懷自有期近況俱題鸚鵡賦舊情猶託杜鵑詩  
蘭舟夢遶清溪曲杜若花開白晝遲

簡賢大愚座元

江湖名字又相知一棹秋風見面遲方外有緣能致我  
山中無物不堪詩更長屢下蓮壺箭雨暗猶殘竹院棋  
自恨野人無玉帶相逢未敢道深期

送張茂夫之南安縣尹其父嘗爲翰林學士

玉堂學士家聲舊花縣郎官事業新庾嶺風煙終帶古  
楚江天氣取宜春好將鼎實調羹用莫遣鱸魚入夢頻  
料得此詩更好因只奇與隴頭人

早春錢南公見訪用陳景曹韻紀會

春溪一櫂竹枝歌倒屣相迎感慨多塵土不知新歲改  
兒童共喜故人過對牀傾倒情還在接燭盤桓意若何  
如此襟懷最真率心聲歷歷見天和

次韻孫果育先生海鹽茶園道中作地名夾

山有金粟寺試茶院錢南金嘗約予遊未  
果

聞道夾山金粟寺一如堯率淨居天雲藏衲子煎茶屋  
春著仙翁載酒船打破斷碑何代始種來高樹百年前  
錢郎詩裏曾相約蠟屐因循未了緣

次孫果育先生觀海韻

夫子舊傳觀水術先生到海輒尋源瀛洲方丈天茫昧  
暘谷嶮夷浪吐吞形勝不嫌吳地僻要荒共仰漢槎尊  
明年三月桃花浪會有神魚過禹門

乙酉歲人日閒雲瑞師過訪得唐復齋錢南

金賢大愚各以倡和之詩見寄因就韻各  
荅一章以當新春問訊首荅閒雲

野屋春生喜鋤飛曹溪一宿話遲遲未忘堯率叅禪解  
且問匡廬結社期世道不侔空向老物華如許却堪詩  
明朝煙水還迢遞漸負邛州竹一枝

荅復參

武川墟上暮雲飛春水迢迢放棹遲謬說樹杯如阮籍

可能問藥訪安期  
入門動是經年別  
方外相傳近日詩  
願乞昌陽留綠鬢  
東風潦倒插花枝

荅南金

茸泐天寒雪不飛  
茜溪雲斷鴈來遲  
春回故國元無賴  
人在殊方未可期  
芳草王孫何處客  
梅花人日去年詩  
門前雨後新流綠  
獨欠吟舟繫柳枝

荅大愚

馴龍伏鉢夜深飛  
破衲生光出定遲  
栢子想應機不露  
梅花自與月相期  
從來名教唯多樂  
近日浮屠總好詩  
欲把談玄犀麈尾  
與君林下換松枝

重柬南金

江樹春雲興欲飛扁舟相見偶然遲  
風埃俱負幽棲役  
丘壑曾爲汗漫期  
晉代玄談幾造道  
周南風化實關詩  
思君只隔烏衣巷  
喬木春深有舊枝

頻年與陳景會分教泮宮去  
秋竣事新春景  
曾有詩見寄次韻爲荅

故人往往歡遊阻  
客舍朝朝俗事增  
秋冷泮池同撤席  
月明江市又收燈  
汗青編簡無新益  
晷畫闌干憶舊憑  
芳草連天未歸去  
小山招隱復誰能

送吳景高廣文秩滿歸永嘉

東州文物但多士  
此老家聲著昔時  
事業遠承湖學派  
典刑曾識漢官儀  
鴈山喬木春長在  
魚浦歸舟晚更移



每共劇談前代事，夕陽燕子獨相知。

次李太無鍊師見寄韻

華髮蒼顏白恰衣，遠遊冠上異香飛。  
花開碧洞春風起，丹轉黃房夜氣微。  
白雪詞章雲作篆，玄洲步武玉爲磯。  
欲攜談麈壺中去，共講陰符起陸機。

次韵謝戴彦李先生

其父帥初先生與先大父同登咸淳辛未榜

曲江宴集義熙年，諸老風流競酒船。  
後世尚存金殿策，前脩已化玉樓仙。  
日斜江鷺春尋壘，月冷湘靈夜促絃。  
握手莫傷遲莫恨，一經猶得似韋賢。

遊吳中靈岩寺

百尺蒼頑一徑通，竹輿宛轉翠微中。  
春尋謝監登山屐

路入吳王避暑宮，響簾廊深雲氣白。  
彈琴石老薜花紅，吳兒不計興亡恨。  
猶說陶朱霸越功。

歲暮寄南金

時在黃涇積善寺

隔岸人煙是茜溪，梵王樓閣樹高低。  
美人只在寒雲外，破屋依然谷水西。  
歲晏冰霜無勝事，春來花鳥待新題。  
不堪音問經年絕，夜久相思夢屢迷。

哭李仲輿隱君

先生有道獨沉淪，窮巷棲遲若廢人。  
龍劍有靈能役鬼，毛錐無術可娛親。  
變來騷雅文逾古，論入玄微學更醇。  
重到西齋弔遺跡，朔風吹淚濕叢筠。

題吹笙人詩卷

東坡詩集卷六  
九  
截玉參差作一攢欲將天賴起雲端竹餘嶰谷年華老  
鳳去綠山月色寒江上酒闌人窈窕夜深簧暖燭沈瀾  
小樓吹徹東風冷歷歷江南入夢看

海濱何隱齋靜得軒

聞說高居近十洲一塵不到海天浮簷前白日皆清景  
座上青山總勝遊花氣入簾春寂寂穠歌到枕夢悠悠  
幾時約得蓬萊侶跨鶴秋空訪隱侯

辛卯歲臘月大雪次曹安雅翁韻

馮夷捲水夜深飛竟日同雲掩晝暉漢節凋零淹屬國  
琵琶哀怨泣明妃豈無鸞帶攻城略自有龍蛇起陸機  
千古桐江擅高節羊裘未肯換朝衣

海濱何氏攬秀樓

百尺高居隔市寰青冥物色手堪攀目窮瀛海三神表  
身在匡廬五老間江燕舞殘春雨歇玉笙吹徹暮雲還  
登臨更起瑤臺興便欲凌風響珮環

新春荅陸伯蒙見寄之韻

行藏每辱故人憐世道無情久荷羶天上賓賓平秩日  
山中甲子義熙年談玄廣坐風生席乘興孤舟雪滿川  
不怕春來增紙價快題新句任人傳

荅明心印上人約遊澱山寺

人間樂事無前定方外論交有宿緣謝監好山長貯屐  
遠公結社合栽蓮三千世界非塵境九十春光半雨天

準擬前村寒食後移尊共買澗湖船

石湖圓覺中半雲法師和前韻見寄再韻答之

石湖蘭若好林泉開士深居息萬緣閱世無塵心似水  
談經見性舌生蓮花邊問訊春三月江上懷人兩一天  
若得黃公容夜宿便尋祇樹泊吟船

橫泖客舍二月陰雨兼旬無朋游詩酒之樂  
花木禽鳥之觀不能不動貞溪之想賦以

紀懷

東風吹袂起征塵驚見門前柳色新客路驅馳連月雨  
故園隔絕幾分春杏花村落懷人遠芳草池塘入夢頻

蓬鬢蕭蕭漸旅食人生只合早謀身

次韻荅曹對範春日感懷

年少光陰去等閒繁華過眼竟忘還王孫芳草天涯路  
仙子桃花海上山絕代風流多失意百年身世幾開顏  
重逢快覩新詩筆與繞平蕪夕照間

早春潘濟民遠過客舍以詩見示和韻為荅  
深谷荒涼動遠思隔年冰雪放船遲文風歷代有消長  
世道百年多亂離每憶漢槎天上下可憐羌管月中吹  
時危處處無行樂客裏逢春總不知

紅梅

夢入羅浮醉未醒梨雲路接錦宮城明妃誤受關氏聘

舊女終騎玉鳳行，蹋月前村疑問酒餐霞。閒苑勝調羹，黃昏小立看清淺。歷歷珊瑚水底明。

贈王同愈

萬里江山入戰圖，歡聲一鼓集東吳。三秋奉使終歸漢，五月將軍欲渡瀘。訓練只須揮白羽，功名何止執金吾。行當早入麒麟畫，却弄扁舟泛五湖。

次張漫亭雲溪菴晚望韻

雲溪菴外野人家，秋晚行吟石徑斜。胡馬長年肥首藉，塞鴻一夜集蒹葭。舟中歲暮懷張翰，琴外風清感瓠巴。天際楚江楓葉赤，眼明只想是春華。

挽錢素菴鍊師

儀鳳橋邊喬木盡雙鴛湖外草廬荒土埋石磴栽松鏤  
塵鎖雲牕辟穀方晉代清風當入傳郢中白雪定遺芳  
翩然跨鶴雲間去顏色猶疑在屋梁

和倪德中見寄韻

白首窮經未識兵年來世故總忘情棲遲豈謂逢衰世  
治忽何嘗屬腐生夜月賦詩嚴武幕春風醉酒亞夫營  
自慚疎濶元無補那得微言協太平

清明日陪王同僉遊馬跡山

馬跡山中雨乍晴鴈門灣裏水初生山川易主何多難  
花鳥於人尚有情四海風塵均造化幾家歌舞過清明  
春風吹上籃輿去戲逐元戎小隊行



次韻焦漢章胡景仁見貽之什

屢經患難思逃世未有文章辱薦賢  
荒草夕陽多戰鼓落花春水失漁船  
黍離滿地空懷古萍泛無家亦任天  
猶幸晉人風度在相逢不肯廢詩篇

過千山荅孫果育先生見示之韻

傾尊屢聽燈前雨揮麈長懷坐上風  
飯顆獨憐工部瘦漂陽應念孟郊窮  
黃塵世事悲歌裏白髮光陰醉夢中  
猶幸千山青在眼扁舟來往趁飛鴻

寄馬敬常冠軍

憶昨吳門八月樓將軍對客最風流  
青黃竹簡今詩韻紅白花枝計酒籌  
柳暗新營嚴武備菊殘荒徑賦歸休

春來又動江湖興，準擬追尋話舊遊。

辛丑七月一日寓橫溪觀，迎引大士經會，酷暑鬱蒸，廣庭露坐，忽晚雲送雨，神氣始蘇。唐元度有詩，見似因口占以復。

赤日黃埃蒸酷暑，澹雲疎雨薦清秋。三江海近新潮上，七月天空大火流。晉代有人皆曠達，周南底事獨淹留。此行已訂尊鱸約，何待須乘雪夜舟。

次荅海慧上人見寄韻

海慧寺前官柳樹，當年曾挽繫船枝。一從勝地經烽火，無復叢林見禮儀。雲冷沙汀鷗夢遠，月明華表鶴聲悲。孤舟尚有殘僧在，頭白滄浪把釣絲。

漫成用楊廉夫韻

歲月驅馳坐白頭已將心事付東流百年南國無遺老  
千古東陵只故侯立壑忘形羞覽鏡風塵滿眼倦登樓  
故人往往情懷在不廢山陰雪夜舟

寄鄉人魯道原贊府

七里灘頭野燐紅鄉關隔絕夢魂同由來王伯興衰際  
總在春秋筆削中蘭佩無時懷遠渚荷衣終古耐秋風  
相期共載華亭月歸訪雙臺把釣翁

懷澄江鄧毅夫帥叅

鄧子清才意氣多承平風物飽經過談兵夜入青油幕  
載酒春鳴白玉珂客路情懷仍曠達鄉關歸計尚蹉跎

春來應夢池生草  
遲我西牕剪燭歌

寄馬文驛徵士 畫得名

有客寄家胥浦上  
放懷詩酒四時春  
輞川蕭散王摩詰  
谷口優游鄭子真  
夢裏江花生綠筆  
醉來山雨墊烏巾  
因君寫出蓬萊路  
喚起江湖老病身

簡崑山慧明極上人 善詩文隸古

不見高人兩載過  
望中樓觀碧嵯峨  
中原小篆黃龍刻  
西域靈書白馬馱  
我輩襟懷於世薄  
禪家風度託詩多  
三江流水春還綠  
擬放輕舟入薜蘿

答馬敬常冠軍見寄韻

南越將軍思不羣  
東吳詩壘薄層雲  
魯連旣出攘秦策

司馬寧無難蜀文天地洪荒千古在山河形勝幾回今  
英雄自昔生衰世韜略于今已屬君

荅張孟膚見寄韻

雲邊城郭是蘇州一榷輪君汗漫遊麋廩臺荒山不改  
鷓夷江在水空流青藜仙杖應相訪紫錦奚囊莫漫投  
遲莫行藏君識我端居豈是傲王侯

孫長慶小山招隱

陸機山下小衡門晉代風流此獨存世亂有誰招隱士  
草生何處覓王孫上京冠蓋遙相望陋巷簞瓢頗自尊  
獨許野人今坐席時時拄掌到羲軒

曹幼文遺安室

家有襄陽耆舊傳經時幽事頗相關求田問舍中年後  
望水尋山夕照間白日戰塵飛不到滄江鷗鳥去仍還  
鹿門此去幾千里遺跡依稀尚可攀

錢思復寓泖濱見荷花憶西湖遊賞有詩述  
感書以求和步韻復命

每愛西湖六月涼水花風動畫船香碧簫行酒從容醉  
紅錦游帷次第張月殿承恩露沆瀣星槎流影下陂塘  
江南秋冷紅衣落離立西風舊恨長

再和

吳山風物久荒涼十里紅蕖失舊香貝闕珠宮渾寐寤  
弓腰冷袖亦更張馮夷鼓罷風生渚太乙舟迷月暗塘

異縣相思正愁絕一聲羌笛楚天長

七夕次思復韻

乞巧詩入白苧袍剖瓜宮女寶鸞刀銀河浩渺終難測  
粉席橫陳亦淩勞節物因人傳習俗經星何事有遊敖  
貧家用拙還依舊犢鼻仍將古錦韜

再和

梧風浙浙振絺袍又見澗閨試剪刀時俗濫希天上巧  
仙家應厭世間勞那能高會如秦女安得良優學楚教  
此夕相看對吟壘敢揮白羽運奇韜

癸卯元日與南金感舊而作

二十年前新歲日與君剪燭鬪新詩春迎北斗魁三象

詞唱東風第一枝共喜舌存心似鐵不嫌身老髮成絲  
樹花重爲斯文頌拍塞陽和入酒卮

張孟膚過余故里有詩寫曹雲翁西園景物  
不覺起余舊感向來文物荒蕪殆盡前輩  
典刑邈不可見行樂之地間存遺跡長厚  
之習則掃地矣不能已於言也

故里依稀綠野堂軒窗面面俯滄浪長林接地陰如染  
遠岫當門翠欲翔石井銅鋪琪樹老雲階月初蘚花粧  
煩君袖裏如椽筆寫入堅珉與記將

青龍任氏母貞節堂

龍江喬木映江波清白名門世不磨孝子善藏護草什



族入爭誦柏舟歌天寒翠袖愁何在春暖斑衣樂更多  
已喜年來慈竹長孫枝漸滿鳳皇坡

楊廉夫受吳門賓館諸公餽餉爲詩自述且  
求友朋屬和次韻荅之

甘露英華生間世文星光彩動南天公孫館下無虛士  
揚子亭中半列僊二月煙雲詩入畫百花洲渚酒如泉  
諸賢能致先生饌應取侯鯖手自編

甲辰元日次成元章韻

經年高臥似袁安忽報新春起正冠門寫桃符寧却鬼  
盤行麪繭漫探官幾家夢草催詩句何處生花上筆端  
白髮不禁春色惱東風莫作故入看

早春過曹雲西翁舊園

曹園花木又經春，舊客重來感慨頻。  
先輩風流如隔世，承平典故屬畸人。  
唾壺塵尾何時設，冷袖弓腰幾度新。  
老眼看花重回首，天涯無處不風塵。

次錢思復寒食懷錢塘韻

夢裏錢塘鎖暮煙，鶯花不是舊山川。  
露涼古殿銅盤折，月到荒臺錦樹圓。  
綿上空存寒食節，長安無復麗人天。  
相看莫說承平事，頭白傷心海變田。

送勤無逸上人亂後歸西湖復業

海內年來尚阻兵，叢林諸老亦凋零。  
虎溪橋斷山靈去，鷺嶺雲荒野燐青。  
石蘚不侵詩壁字，天花應待講臺經。

勤公歸去開樓閣歷歷諸天擁翠屏

丁未元日和夏頤貞韻

守歲爐邊燭影搖門前賀客笑相邀謬將詩句題桃板  
便覺風光襲柳條時事總開良史筆曉班誰續待中貂  
老夫無復承平夢驚見春回北斗杓

曲江居士以險韻與倪雲林論方外事和者  
閣筆余適自外歸持來求正戲爲下一轉

語

續得曹溪第幾燈曲牀趺坐敢橫肱  
庭前擊竹知童子海上留衣記老僧  
花落空中多似雨瀑懸岩上直如繩  
若能問答無生話別有玄機最上乘

次元博弟初度自壽韻

君似陶潛早覺非我如李廣老尤奇  
稔聞桑海風波惡始信桃源歲月遲  
夢寐不忘重慶日笑談寧似太平時  
相看共識浮生理造化真如一小兒

和楊鐵崖曹園感懷韻

曹氏家園百歲餘承平遺跡久湮蕪  
路埋銅爵西陵瓦壁暗襄陽海岳圖  
春雨荒池花濺淚夕陽喬木鳥呼雛  
凌虛臺上論興廢千古雄文屬老蘇

宗上人芝山小隱

翠微深處遠公家不與塵寰共歲華  
寶樹七重環淨宇靈芝五色散天葩  
簷鈴響荅頻伽烏塵尾香飄薈蔔花

獨許杖藜携酒客時來分席岸烏紗

俞子昭見寄舊懷新感藹然言意之表次韻

奉酬

愁坐牽衣拂劒霜悲歌撫掌按伊涼塵中白日駢人老  
雲外青山引興長詩句近傳何遜好酒徒還放鄙生狂  
羨君高隱東林下晝盡圍屏面面張

用曹新民韻感曹雲西翁園中老梅

夜來夢入羅浮路解珮依稀見洛妃荒草等閒埋玉樹  
冷雲猶解護苔衣空懷吹笛花前醉無復觀燈月下歸  
老子風流總陳迹只留遺恨滿斜暉

歲晚訪陳景曾于金澤几間有新詩信筆和

韻以述會合

茫茫岐路失東西，冉冉緇塵翳客衣。  
春雨滄江鷗鷺侶，秋風華表鶴鷗思。  
歸殘生同藥，迷仙島某水投竿。  
感舊磯歲晚逢君如夢寐，相看共喜姓名微。

次韻吳野舟見寄

玄鶴歸來世事訛，白鷗盟冷困滄波。  
山河錦繡今誰識，關塞荆榛莫浪過。  
四序光陰歡樂少，百年身世別離多。  
老來不奈親情絕，時復湯湯起夜歌。

新春和徐澹然處士韻

青年有脚春如夢，綠髮無情雪作堆。  
世故紛紛催我老，愁懷拍塞向誰開。  
草荒金谷花無主，日落烏衣燕不來。

待得東風到丘壑尚堪扶醉一登臺

俞遂良有遊九山之約借韻促之

千里漸成荒草地九山仍在亂雲堆  
孤村新歲春猶澆窮巷兼旬雨不開  
老我尚堪携酒共知君欲約故入來  
時危會面應難得放浪須登百尺臺

奉酬夏時可文學早春之韻

春從雪後試初晴客在雲間憶故城  
賣藥仙人聲價重種桃隱者去留輕  
蟻杯餞蠟驚新味鳳曆催年感舊情  
猶幸與君同晦跡殘山剩水尚堪行

澹然時可遂良三君子皆有春遊之興借韻

訂之

間關水鳥報新晴  
拭目春生海上城  
好景盡從愁裏過  
賞心猶向老來輕  
百年往事如兒戲  
千古東風不世情  
長憶杜陵經喪亂  
曲江春色尚潛行

贈嘉定普福宮秦東海高士

東華外史繼玄風  
普福仙源屬正宗  
筆底丹書呼白鶴  
匣中星劍閔蒼龍  
瑤壇功行三千數  
閨苑煙霞幾萬重  
有約同遊尋大藥  
明年先上大茅峰

送陸伯翔翁往金陵授業侯門

鳳凰臺上春風起  
鸚鵡洲邊暮景斜  
四海車書今復混  
六朝文物尚堪嗟  
深衣雪鬢絃歌老  
列鼎宮壺袞繡家  
回首故園如隔世  
身閒不必問生涯



贈理卽中上人禪學之外尤明丹法

中年好道嗟何及方外論交夙有緣  
白日堂堂唯應世青山往往負談玄  
已期入社從彭澤豈謂逢僧似紫賢

南派薛道光禪師號也

借我林間松麈尾相看儘可荅詩禪

九日橫溪客舍

晚節追思往事艱  
老來未得此心閒  
欲題紅葉無佳句  
相對黃花只強顏  
出處幸同衰艸木  
登臨不媿舊江山  
酒杯還似當年綠  
忘却風前兩鬢斑

賦同門友葉子澄春星堂

君家住近白榆鄉  
依約風林左氏莊  
處士隱居春入畫  
賢人聚處夜生光  
乘槎泛渚仙風迴  
燒燭張筵飲興長

底事同門少年子老來濶絕類參商

又賦子澄雪蓬軒

歲晚瑤花滿太虛翩然蓑笠混樵漁浮家直到空明際  
問路重尋混沌初巖瀨客星應黯澹山陰人跡久蕭疎  
老夫亦有孤舟在擬約凌寒共釣魚

甲寅至日在橫泖客舍憶存沒二子

長在穎  
上幼在涖

梁濠

父子睽離骨肉寒每逢時序輒辛酸濠梁逝水聲嗚咽  
箕穎荒原路杳漫家廟蒸嘗難備禮客鄉寢食敢求安  
海隅兩度逢南至坐對梅花強自寬

和錢思復過真淨旭公房所作

短褐長鏡隱士風蒼顏白髮瑩雙瞳池邊駐馬邀山簡  
月下登樓約庾公縱酒放歌聊玩世尋僧問語且談空  
十年同在風塵際幾見春雷鼓壤蟲

秋日過余山

幾年不到九山中今日扁舟興尚濃亂後人煙俱落落  
歲寒林木尚重重追尋故舊皆新鬼曾見興衰是老農  
我欲卜居愁險絕老來登陟窘龍鍾

荅胡克溫惠藤枕

廣州高枕織花藤黑白縱橫疊浪層繡褥錦屏寧肯汗  
蒲團紙帳實相應書藏墨子誰曾識夢見周公我未能  
便欲東山學高卧不堪華髮久鬢鬢

又鐵冠

高人鑄鐵作儒冠雅製由來出杏壇  
剛氣未輸逢子掛鏗鳴政合貢公殫  
山林服飾猶多誤霜雪頭顱却耐寒  
野老初非真御史有時怒髮也相干

感橘

伊昔洞庭風景好滿林秋色類春光  
后皇嘉樹深培植巴蜀仙翁久遁藏  
晉帖特書霜未降吳姬解道手猶香  
踰淮不奈多為枳應望江南憶故鄉

黃岡賈彥德碧梧軒

百尺青桐覆短牆重重車蓋翠陰涼  
北平甲第停鸞鵠東日高崗起鳳凰  
風度綺牕春弄影露浮金井夜生香

練衣塵尾蒼苔磴遲子清談送夕陽

賦鄞士梅隱

萬玉林中一草廬市聲不到此幽居  
孤山處士曾通譜  
秦隴行人獨寄書  
瓦甕酒香春動後  
石橋屐冷雪晴初  
高情迥出紅塵表  
不比桃源禮澹疎

蟻術詩選卷之六

蟻術詩選卷之七

元雲間邵復孺著

明新都汪稷校

七言絕句

見梅懷錢南金

東風吹鬢酒消消，拄杖看花又一年。  
怪底江淹容易老，幾回南浦送春船。

早春駕湖夜泊

燒燈過了，閒門靜踏月歸來。  
宿酒香何處，高樓夜吹笛。  
曲中桃葉斷人腸。

晚晴二首

槿籬疎處夕陽明  
簾捲薰風滃氣清  
竹簟半閒書帙亂  
倒欹烏葛看新晴

濯濯南風入苧衣  
門前江色映書闌  
浮雲卷盡天連水  
兩個鷓鴣上下飛

中槩以墨海棠爲名友人張子正爲之畫以  
求題

嬌枝小小出簾櫳  
賜浴華清淨洗紅  
一自金鑾供奉後  
夢魂長在研池中

七夕日孫果育丈席上有詩首句約坐客各  
續卒章爲賦如左

白髮年年逢七夕  
青天夜夜見雙星  
客樓亦有當時月

却照誰家戲綵庭

題演上人畫蘭

空山楚雨夜淙淙  
一硯春雲起碧牕  
却憶扁舟載離思  
暖風容與渡湘江

題危鍊師春溪小泛畫

春樹扶疎水接天  
紅塵不識此山川  
風流二老衣冠古  
多是山陰道士船

題黃一峯畫扇

南州丘壑無今古  
東晉衣冠久陸沉  
便欲相從二三子  
滿船載酒劇論心

陪曹雲西翁携妓泛荷舟中次韻



藥宮仙子積霞粧太乙真人白苧裳獨欠湘靈來鼓瑟  
冰結厯厯按清商

紅藕溪頭白玉磯畫船載客憺忘歸僊姝散得天花亂  
不敢飛來著羽衣

明日曹安雅翁約席上諸公再放蓮塘席間

次韻

老魚吹浪起層瀾六月陂塘特地寒花底畫船人似玉  
忘機鷗鷺亦貪看

花間玉露夜生香淨洗冰肌不受粧三十六陂還有約  
定携羽扇看新涼

次韻荅衛立禮元旦之作

鬢底新霜白未真情懷已似老來人春風獨自無崖岸  
委曲相尋白氎巾

桃源畫卷

人間不識武陵春獨有漁郎認得真只作曲江風景看  
殘山剩水尚精神

松竹卷子

華頂蒼寒松五粒渭川風度竹千竿長安陌上看花客  
不信山中有歲寒

雪山便面

山中茆屋四時好雪裏開門心眼明小童沽得前村酒  
須著溪翁相對傾

春日和錢南金韻

溪上東風散草芽，去年曾此共看花。至今留得行春屐，猶帶西園徑裏沙。

次荅汪子翼進士嘗爲采石山長三衢學正  
采石官醪琥珀黃，柯山玄壁照人光。芸香閣上無塵事，鄭老詩成醉欲狂。

同曹雲西翁泛舟過干山

松篁兩行遶溪灣，一舸逍遙任往還。藜杖幅巾林下去，野人疑是古商山。

弭棹溪邊問老漁，雨中歸路晚模糊。九峯三泖人家盡，髣髴烟江疊嶂圖。

賦孫果育文千山小隱

清宵今榻聽疎鐘  
白日看山倚瘦筇  
想見幅巾蕭散處  
層層樓閣萬株松

壇上藥鑪時進水  
佛前燈火夜然酥  
儋州老子前身  
不此尋常醉道圖

卽景

一秋兵革競紛紛  
山下人家晝掩門  
昨夜南鄰雞犬鬧  
又傳吏過石壕村

次張漫亭遣興四首

滿壁鑽書嫌脉望  
巡簷設網厭蠨蛸  
悟來物理如人事  
準擬綠槽結小巢

東坡詩集卷七  
僧舍看雲歌歎乃漁鄉對月舞婆娑山中住久忘塵世  
不道桑田變海多

南渡承平無復見中原喪亂又重看白頭父老談興廢  
曾識漢宮承露盤

身到天河惟博望功成漢室有淮陰一時凜凜英雄氣  
千載寥寥去住心

從軍過太湖上梅花正開與顧允中趙君式

登山縱步和韻三首

銅坑山下野人家信步看梅石逕斜二月江南春寐翼  
東風不管路傍花

曾到咸平處士家幾番花壓帽簷斜如今老眼風塵際

不敢分明看此花

春光欲動客辭家  
戰艦縱橫破浪斜  
范蠡湖邊重回首  
五陵不是舊時花

挑菜美人圖

記得行春出灞橋  
蹋青挑菜總嬌嬈  
如今老眼看圖畫  
翠袖鴛鴦久寂寥

和錢思復春日口號

二月江南白霧昏  
人家日日候晴暎  
疎林敗屋春無主  
燕子歸來若箇村

己亥二月晦日寒食無錫東屯舟中漫成

薺麥青青殘柳黃  
兵餘無處不村荒  
惠山南畔逢寒食

回首松楸路杳茫

容樓春日

東風吹夢到溪頭  
溪樹依依綠水流  
斜日小橋扶醉客  
遠煙芳草釣魚舟

西湖小景扇

畫橋歷歷樹斑斑  
蘇小紅樓紫翠間  
烟月不知人事改  
夜深猶自照湖山

香雲室

牕前嵐氣博山爐  
壁上晴光海嶽圖  
一夜梅花橫紙帳  
暖風吹夢遶蓬壺

題曹元博辟間馬文壁小畫

巖谷幽閒雨露深翠烟長護讀書林春風長養承平樹  
期爾菟裘歲晏心

題項鍊師山房倪元鎮小畫

空同山下無名樹秀葉飄飄翳翠霞移向玄都壇上種  
春花開遍玉皇家

題夏頤貞所藏王睂叟真人馬遠溪月堂卷

憶過餘不音浮玉塵山開玄堂下水潺潺只今惟見溪頭  
月白鶴冲天不可攀

題扇寄鄒君顯

浣花溪上堂依竹采石沙頭月滿船鱸蟹熟時秋正好  
放歌載酒白雲邊



君顯荅賦再韻以寄

情到湧題秋後扇興來欲放雪中船  
三江近信丹楓外  
一夜相思白鴈邊

一峯道人畫九山雪霽

大雪滂空暗九山晉人遺跡杳難攀  
老仙只在扶桑外  
借得瑤京鶴駕還

題墨竹

江村蠶老柳花香楚楚新梢出短牆  
却憶黃陵廟前過  
澹雲疎雨映瀟湘

李雲山畫秋林晚步

疊疊青山黃葉村夕陽喬木幾家存  
幽人占得前溪住

不是桃源定鹿門

梨花十二紅

雨過東闌澹蕩晴飛來和恨寐無聲宣和殿下清明後  
曾向花間見太平

夏士安家董元小寒林

徂徠山頂千年樹曾及承平雨露恩幾度長空飛霹靂  
鬼神猶解護靈根

辛亥中秋橫溪菴客牕對月口號

濠皆無見期

時長子在

客牕孤坐過中秋病骨支離雪滿頭潁水濠梁千里外  
一方明月照三州

桃花五色子

灼灼繁紅錦不如東風依約舊玄都  
劉郎老大無心賞付與春巢五色雛

橫溪晚步

野老無家寄海村草荒秋老失柴門  
鱸肥蟹壯無勝侶憶殺家園老瓦盆  
經句不過石橋陰幾夜雨多秋水深  
美人迢迢望不及朗歌采芹傷我心

懷野舟客

鴻鴈風高秋浦涼芙蓉花開紅錦張  
去年短蓑携手處萬頃黃雲秔稻香

停簫士女圖

花前月底不勝情，欲度伊州又不成。  
若見盧郎年少日，等閒吹作鳳皇鳴。

息齋李使君自號廣陵醉客，其守吳興日，郊行見民家小湖石名蓬花峯，玲瓏奇秀，求之弗獲，乃畫爲圖，且書其意，以識不忘。客有持以求題者。

茗雲溪頭石一卷，廣陵移入畫圖傳。  
崑岡烈焰誰能奪，牛李相看亦惘然。

杏花宮女

花攢金屋兩嬌嬈，依約東吳大小橋。  
莫問中原舊春色。

西陵烟樹正蕭蕭

柳陰宮女

御柳娉婷拂畫闌當時浪說楚腰鸞  
君王莫遣兒家學  
千古天生只小蠻

牡丹士女

國色明粧映綺疏  
畫閒隨意踏庭蕪  
洛陽春事今黃土  
忍看承平士女圖

簷蔔士女

綠牕睡起晝遲遲  
簷蔔香風透玉肌  
却憶芳園春夜飲  
花前微醉絕纓時

秋懷故溪

三泖西來花滿園  
衣冠人物小桃源  
風流王謝今陳迹  
燕子飛來只斷魂

江上秋風吹客衣  
芙蓉花老客思歸  
荒煙亂艸斜陽外  
夢遶前村舊釣磯

元日試筆

賀年鄰巷兩初乾  
把筆書牕墨尚寒  
忽見東風到門外  
似將春意入毫端  
茅簷春色年年在  
蓬鬢霜華日日新  
世亂敢論生計事  
身閒猶是太平民

上巳日泊舟崑山縣城北十里顧墓田家風  
暄日麗野花亂  
開邂逅父老為設尊俎相

率縱步春興橫生乃為短述以紀所見

崑山城北路漫漫芳草連天雨乍乾  
柳綠花紅寒食近春光不在故園看

廢宅荒池鎖碧苔桃花無主為誰開  
舊時燕子知人事飛過雕簷竟不來

蠶豆花明遠路香雞桑葉暗翠陰涼  
相逢野老留雞黍尚覺芳郊引興長

吳女傷春晝掩扉猶將膏沐媚春暉  
逢人自把金錢卜不信征人竟不歸

曹園看梅

西園玉樹老風烟離立盈盈不記年  
昨夜東君又披拂

疎枝冷蘂亦嬋娟

揚州紅萼舊風流東閣何郎昔俊遊羌管數聲春拍塞  
移宮換羽不勝愁

石橋流水夜涓涓特度寒香逐澗泉月落參橫疎影亂  
羅浮春夢遶牕前

貞溪初夏次南金韻

雨後林深竹筍肥渡頭風急柳花飛柴門不掩綠陰靜  
人在閒牕試苧衣

巡簷燕子掠晴絲隔塢茶烟出院遲草色入簾人不到  
午風吹暖夢回時

棟花風起漾微波野渡舟橫客自過沙上兒童臨水立



戲將萍葉飼黃鵝

小菴縲車霜蘭熟前村社鼓野人來鵝鳩聲在樹陰裏  
竹下柴扉晝不開

蟻術詩選卷之七

蟻術詩選卷之八

元雲間邵復孺著

明新都汪稷校

會合聯句

至正改元余寓虎林三閱月南金授業茶院  
孟冬余歸而南金亦還溪上夜坐縱談念  
不可無述以紀此會四韻

久別情懷在

復

重逢意氣添窮途仍遠役

南

吾道豈終

潛遲暮身何補

復

艱危首尚黔客情鄉態別

南

人事物

華兼豹隱曾誰見

復

雞羣適自淹故交深閱閱

南

高誼

薄閭閻歲晚詩無恙

復

更遙夢屢瞻盍簪長此地

南

剪

燭近前簷近況俱相問復幽期已素占真成談疊疊南

更復坐檐檐弱冠交游早復通家學問漸訂頑唯汝益

南知已不吾嫌春浦隨風鷁復秋堂滴露蟾楚蘭愁共

擷南湘管醉重拈村市魚蝦美復盤餐筍蕨甜望雲歌

白紵南蹋月認青帘靜賞花當戶復微吟草入簾平煙

狐野濶南落日九山尖竹影棋枰潤復苔痕履齒黏風

流元不算南文采頓能欣芸業猶生計復瓜田僅養恬

索居期自奮南微祿覩同霑俗薄輕遺佚復時清媿孝

廉每驚巢慕燕南殊比上竿鮎屈賈時多忌復商韓世

不厭固窮君子拙南競進小人儉璫玉甘深韞復鉞刀

苦較銛淳風難返古南澆態日趨尖汨汨知何益復嶺

嶄獨好謙富應同土苴

南

貧不厭齏鹽暴白心如鐵復

雌黃口莫筭妙年咸任版

南

長晝只書懔坐欲彈冠起

復

耕期束帛覘壯懷從曠達

南

短髮任髭鬣未屬麒麟

畫復

恒韜虎豹鈴淹留頻撫髀

南

慷慨亦掀髯但得襟

期在

復

何憂歲月穢匆匆投井轄

南

忽忽報郵籤江海

無忘險復

冰霜已戒嚴詩篇相砥礪

南

友愛辱鍼砭復

編校遂生亭聯句

有序

惟昔有元後至元二年歲丙子十有一月

冰霜泣寒信宿不解晚雲漏日朔吹凜凜

殆不能任雲間貞溪曹貞素翁設酒肴會

親友於其家之遂生亭燎以楮泆以醴

醅脯羞循序以進少焉衆始睥面盎背歡  
情甫洽翁乃呼童出楮札率客聯詩爲樂  
而命余呵陳執筆以書於是意况咸適情  
文藹如迨夜分酒闌凡得句百有廿而章  
乃成此吾鄉疇昔清事之一也翁於予爲  
外族從祖有老僧曰自聞熏師翁之從弟  
也安雅翁洎弟世長皆曹氏於予爲外族  
諸父錢南金陸伯翔伯弘皆外姻也主賓  
凡八人後此卅餘年諸老相繼淪沒存者  
惟伯翔及予亦皆年踰耳順垂白昏耄中  
經干戈屢變世道衰微二翁故居悉蕩爲

丘隴求其遺跡亦復蒼莽雖流涕痛哭莫  
及矣洪武己酉冬偶與元博弟話舊及此  
而博乃能襲藏舊藁展卷瞭然如昨日事  
不啻對諸老於几席間也然曩者所作一  
時得句輒寫意度先後因計倫敘此於詩  
法爲不合博乃留藁求余銓整庚戌歲冬  
杪齋居聽雨乃爲校正而編次之中復有  
所取舍於是文從字順而意趣斯足遂手  
書二通其一併元藁歸之元博其一留吾  
齋以供暮年觀感爲承平嘉話且俾予兩  
家子弟知鄉之先輩風流文采若此吁物

換人非斯文掃地後之人非特不能繼前

脩風度亦將不能知而言之矣可勝歎哉

庚戌距丙子為卅五寒暑云是年臘未盡

五日小溪吟屋書

深冬鼓大籟極寒抑新陽貞素凍痕固封圻暝色浮穹

蒼南金斜暉射屋壁巖巖薜蘿衣裳世長氣候返昕夕景

物惟冰霜伯翔幽居絕蕭散喬木相低昂自聞長林展

圖畫疎松奏笙簧伯弘經時歲云暮撫事心亦傷復孺

朋來溫重席衆喜累十觴安雅窓梅弄疎影盤蠟搖寒

光翔竹壚滑袖火栢子氤氳香聞豆籩既無算肴核復

屢將弘野葢雜鶉雉溪腴間鱖鱠長翠罌玉俎凍犀筋

紅肉僵

雅

偉哉青雲彥會此白石房

南

盍簪意已洽得

酒氣益強

弘

世道久澆薄古意殊荒涼

復

真情悅親戚

嘉會非尋常

素

高才貴瑚璉妙語鏘琳琅

南

太原與五

姓燕山尊十郎

翔

阿翁正矍鑠我輩俱頡頏

長

宗族互

有託禮貌詎可量

雅

舟車遠無間雞犬遙相望

聞

九世

同安居百年有餘慶

復

兒孫等鱗次兄弟列鴈行

素

賴

有北道阮况得共被姜

雅

鳩杖祝勿咽兒觥介無疆

翔

翔

晨昏足甘旨歲時謹丞嘗

雅

臭味亡薰猶優劣何糝糠

聞

躬勤樂耕釣志儉忘膏粱

弘

招隱及巖谷濯纓下滄

浪

南

清風起竹逕朝陽耀梧岡

長

歌長擊瓦缶興酣諒

胡牀

素

秋花照籬落春草生池塘

復

望重詩禮庭義薄



名利場

南

學術本鄒魯治化沾虞唐

素

百兩重聘國千

金戒垂堂

翔

雄觀局四海壯志馳八荒

私

恒鄙貨殖貢

豈羨干祿張

雅

詞源尚屈宋書法追鍾王

長

奇材任犖

犖雅量須汪汪

聞

心胸蘊星斗頭角蘄珪璋

私

黃麻珍

世賞青氈寶家藏

翔

松柏抱貞秀蘭蕙含芬芳

長

擬儕

谷口鄭弗媿商山黃

復

曳裾或混俗衣錦寧忘鄉

南

王

掾元不癡癯生乃佯狂

復

婉變談論濶輾轉理義長

素

會合益膠漆契濶毋參商

素

笑語寒稍弛歡樂夜未央

南

真性本寥廓幻身且徜徉

聞

聯詩出雅頌看劒生光

芒

長

焚膏照無寐淪茗搜枯腸

聞

人情咲失馬世利嗟

亡羊

翔

惟茲一餉樂勝彼終日忙

雅

所欲論文字初不

事酒漿

素

者英固難繼真率或可方

復

坐醉春滿席起

舞月在梁

南

宿氛息廣漠晴暎扶桑

弘

今袂重慷慨

驅車走康莊

雅

猗歟紀宴集斐然成文章

復

舟中聯句

洪武庚戌臘月八日余與巖陵邵復孺先

輩自雲間之澄江蚤發向吳門挂席波上

甚適也因相率聯詩以攄客懷日夕過蘇

臺窮其韻而成章凡得句百有廿興之所

至因計工拙江空歲晚孰知吾二人清苦

若是哉諒天地必有同其情者隴右邾經

仲誼識

歲晏冰雪稀  
天空水雲濶  
扁舟戒行李  
邵遠道舍祖輶

度泖凌鷗波  
邾橫江蕩魚沫  
晴暎弄熹微  
石明霞入溲

瀉村迷辨烟樹  
朱林響聽風  
楫連隄半隳  
隤石互

排撥感茲物  
色睽朱疑若鬼神  
奪蕭疎見古寺  
石狼籍

遺壞闡替戾  
塔語鈴朱跣  
跌堂散蓋誰  
將拂盤陀石我

欲叩菩薩了  
知空卽幻朱奚  
謂悟始達  
觸景人事非石

經途客心怛  
憶昔兵構患  
朱念此民苟  
活流離且無家

召癡瘼仍有  
筈虎寧泰山  
畏朱雞豈武  
城割待旦苦漫

滂石書空愁  
咄咄旋瞻太  
平治朱遂及  
阨運豁造化終

含情石生聚  
母感頰夏鼎  
燭神姦朱秦  
鏡走妖魘吾徒

恒泪没石斯  
世暫超脫  
侯門斂長裾  
朱眊里混短褐棲

遲甘海陬召飛騰阻天末企望麻姑鵬朱悵閔李斯獨

禍福信倚伏召貧賤逃天閼虛名自成累朱逸氣孰可

過頻年頗好道召長日頓忘渴琴心舞胎仙朱筆陳馳

叱撥幽蘭紉佩纓召芳草結屨鞞瓦彝香屑沉朱菱斗

松蟠枯衡茅讓山藻召團蒲豚鬣髡芸編飽菽蟲朱槎

梁漏羣獺野鳥資笑歌召林蜩供巧掇晞髮傲三沐朱

充腹儲七糲荷風揮白團召桂月整緇撮掃華坐裴回

朱問竹行跋躡衣防棘籬鉤召屐慮鮮磴達樵漁從往

還朱鄰里謝喧聒童沽醜持券召客醉狂褫襪卒歲每

怡愉朱安時靡乖刺徒步猶履難召清談已囊括犇領

固可探朱狂鬚慎毋將逍遙憚拘檢召老醜倦塗沫涸

鮒肯貪餌

朱

罷驥恥受秣澹然忘戚忻

召

展也釋嗔喝

谿翁故相能

朱

隴士今有佞及蔑繼邾盟

召

翦棠思召

爰北征唐爾愧

朱

南音楚誰捷滂歌車遥遥

召

何歎流

活活周道尚逶遲

朱

吳臺空截障五湖怡陶朱

召

八陣

失諸葛載陽麋縱遊

朱

無詠狼毫跋舊夢已銷沉

召

氛尚轆轤顏跣悲蒙莊

朱

弄界嗟魯适君子懷游從

召

城闕記桃達斯辰當臘蜡

朱

于夕叫寒鵠巖颺轉帆席

召斜暉在篷笥旣空鳧鴈聚

朱

徒詠鱸鮓鱖心驚玄冥

涸石目佇青陽潑願同松柏貞

朱

不改薑桂辣搔首一

長嗟

召

乾坤莽回斡

朱

蟻術詩選卷之八